



ATASSUT

UKA 2016/46-1

Steen Lynge

04.10.2016

Kalaallit eqqumiitsuliaannut nunatta eqqumiitsulianik saqqummersitsiveqalernissaa pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Múte B. Egede, Inuit Ataqatigiit)

Atassut-mit siunnersuuteqartoq Mutè Bourup Egede, IA qutsavigissavarput siunnersuuteqarneranut.

Eqqumiitsuliorneq tassaavoq inunnut isummatsinnik takutitsivipput, taamaaliornikkut inuiaqatigiittut sumut killinnerluta tarrarsorfipput. Eqqumiitsuliorneq aqutugalugu inuiaqatigiittut ilaatigut unammillerneqartarpugut immitsinnut paasisinnaagumalluta. Eqqumiitsuliorneq kinaassusitsinnik takutitsisuummat.

Eqqumiitsuliorneq atorlugu assigiinngitsorpaasuartigut oqariartuuteqarsinnaavugut. Amerlasuut assit naqitalu atorlugit eqqumiitsuliorneq pingaartittarpaat. Ilaasa nipilersorneq nipillu atornera eqqumiitsulionertut isigisarlugu. Allallu qitinneq isiginnaartitsinerlu eqqumiitsulionertut pingaartinnerusarlugu.

Eqqumiitsulioriaatsit assigiinngitsut tamarmik sinaakkuteqartinneqartariaqarput. Tamanna siunnersuuteqartup pingaatillugu oqariartorneranut isumaqatigilluinnarparput.

Taamatut oqareerluta, ukiuni makkunani aningaasaqarnikkut sukangaasuumik tulleriaarsariaqarnitsinni, pivusorsiortariaqarpugut.

Illumut akissaqarpugut maannangaaq taamatut tulleriaarinitsinni taamak annertutigisumik aningaasaliinissamik kivitsissalluta? Atassut-mit isumaqarpugut, maannangaaq taammak annertutigisumik aningaasaliinissamut periarfissaqarnata.

Atassut-mit siunnersuutigineqartoq tapersersorsinnaangilarput, maannangaa aningaasaqarnikkut siunissami unammillingassagut kivissinnaassagutsigit, pisariaqarmat aningasartuutikillisaanerit aqqjissuussinerit aqutugalugit anguniagassagut suliarisussaagatsigit. 1 milliard tikillugu aningaasartuutikillisaavussaavugut.

Taamaammat inuiaqatigiittut aningaasaliinissamut taammak annertutigisumut akissaqanngikkallarparput. Killormut pisariaqartipparput inuiaqatigiinni aningaasartuutikillisaanissat.

Atassut-mit siunnersuutigineqartoq tapersersorsinnaangilarput.